

## Keliuonė

Vėišniems žīdont viel atkieliau karklės,  
Pakinkiau i žīgi sava arklius.  
Petruonelė – kāp pėivelie smėlga.  
Mona šėrdės anuos pasėėlga.

Kas, ka žanuota,  
Metu tor šmuota?  
Nu vėsa svieta  
Nier pakavuota!

Vuožuoja – pri glousnė kriava  
Džiaugavuos, ka Juonis išvažiava.  
Apsėžvalgės, ka nieks neveiz nu kelė,  
Apkabėno sava Petruonelė.

Kas gal užgintė  
Apsėkabintė?  
Kas gal uždraustė  
Mon prisiglaustė?

Pajiemiau botelka, ilėpau i važi –  
È jaunīstės spalvuom mintis nusėdažė.  
Vargā è rūpesnė vėišniems žīdont baigies!  
Tik nepajotau aš, kāp užėjė snaibis...

Knapso, sapnoujo,  
Ka nebvažioujo:  
So Petruonelė  
Luovuo borkoujo.

Pabodau...  
Matau: saulelė dailė leidas,  
Vo nu koisiu mona arklė baiduos.  
Gaspadorio tompė vėsa dėina,  
Atgal parvežė – i mona patėis kėima!

Mona svajuonės –  
Vėinas karuonės.  
Nebipataikau  
Aš pri Petruonės...